

校編仁存陳

書叢學醫漢皇

丹波元堅著

素問
紹識

上海中醫學院出版社

素問 紹識

要

提

本書繼素問識而作。闡揚太素之原理。繁徵博引。

頗稱確當。其採用楊上善太素經注。亦足以補闕訂

誤。宜爲當世所傳誦。名曰紹識。示述而不作之義。凡

研究素問學者。皆當奉爲圭臬也。

素問紹識序

素問紹識何爲而作也。紹先君子素問之識而作也。先君子之於斯經。自壯乃爲人講授。稱爲絕學。考究之精。宜無復餘蘊。紹識之作。當爲贅旒。而敢秉筆爲之者。抑亦有不得已也。楊上善太素經注。世久失傳。頃年出自仁和寺文庫。經文異同。與楊氏所解。雖不逮啓玄之覈。然其可據以補闕訂誤。出新校正所援之外者。頗多。則不得不採擇以廣續。此其一也。先兄柳泮先生。夙承箕業。殫思研索。將有撰述。而天不假之年。中歲謝世。其遺言餘論。卓卓可傳者。仍有讀本標記存。固不得不表出以貽後。此其二也。近日張宛鄰琦著有素問釋義一編。其書無甚發明。然其用心亦摯。間有可取。他如尤在涇等數家之說。或有原識之未及引用者。更有一二親知寄贈所得者。俱未可全沒其善。此其三也。乾隆以來。學者專治小學。如段若膺阮伯元王伯申諸人。其所輯著。可藉以證明經義者。往往有之。亦宜摘錄以補原識者矣。此其四也。此皆紹識之所以爲作。而愚管之見。亦僅錄入。以俟有道是正之。昔姚察爲漢書訓纂。其會孫班續而著書。題云紹訓。今之命名。竊取其義云。弘化三年歲在癸未。敦牂八月望。江戶侍醫法印尙藥兼醫學教諭丹波元堅撰。

素問經識目次

卷第一

上古天真論篇第一	一
四氣調神大論篇第二	五
生氣通天論篇第三	七
金匱真言論篇第四	一三
陰陽應象大論篇第五	一六
陰陽離合論篇第六	二一
陰陽別論篇第七	二四
靈蘭秘典論篇第八	二六
六節藏象論篇第九	二七
五藏生成篇第十	二九
五藏別論第十一	三三
異法方宜論篇第十二	三四
移精變氣論篇第十三	三六
湯液醪醴論篇第十四	三七

卷第二

玉版論要篇第十五	四〇
診要經終論篇第十六	四一
脈要精微論篇第十七	四五
平人氣象論篇第十八	五二
玉機真藏論篇第十九	五八
三部九候論篇第二十	六四
經脈別論篇第二十一	六七
藏氣法時論篇第二十二	六七
宣明五氣篇第二十三	七一
血氣形志篇第二十四	七二
寶命全形論篇第二十五	七四
八正神明論篇第二十六	七六
離合真邪論篇第二十七	七八
通評虛實論篇第二十八	八〇

太陰陽明論篇二十九

八四

厥論篇第四十五

一二四

陽明脈解篇第三十

八六

卷第四

卷第三

病能論篇第四十六

一二九

熱論篇第三十一

八七

奇病論篇第四十七

一三〇

刺熱篇第三十二

八八

大奇論篇第四十八

一三二

評熱病論篇第三十三

九二

脈解篇第四十九

一三七

逆調論篇第三十四

九四

刺要論篇第五十

一四〇

癰論篇第三十五

九六

刺齊論篇第五十一

一四〇

刺癰篇第三十六

九九

刺禁論篇第五十二

一四〇

氣厥論篇第三十七

一〇二

刺志論篇五十三

一四一

欬論篇第三十八

一〇四

鍼解篇第五十四

一四二

舉痛論篇第三十九

一〇六

長刺節論篇第五十五

一四二

腹中論篇第四十

一〇〇

皮部論篇第五十六

一四四

刺腰痛篇第四十一

一一三

經絡論篇第五十七

一四五

風論篇第四十二

一六

氣穴論篇第五十八

一四五

痺論篇第四十三

一二〇

氣府論篇第五十九

一四八

痿論篇第四十四

一二二

骨空論篇第六十

一五二

水熱穴論篇第六十一	一五七	示從容論篇第七十六	一六九
調經論篇第六十二	一五九	疏五過論篇第七十七	一七一
繆刺論篇第六十三	一六五	徵四失論篇第七十八	一七一
四時刺逆從論篇第六十四	一六八	陰陽類論篇第七十九	一七二
標本病傳論篇第六十五	一六九	方盛衰論篇第八十	一七三
著至教論篇第七十五	一六九	解精微論篇第八十一	一七五

素問紹識卷第一

江戶侍醫法印尚藥兼醫學教諭丹波元堅學

上古天真論篇第一

(此篇太素僅存天發一段)

成而登天。以上六句疑王氏所補。非古經之文。何以言之。此篇全氏訓解在第九卷。倘使其本果有此六句。則是帝始末退在未卷。萬無此理。蓋王氏移天真論置之於八十篇之上。併添改其起語也。其文取之。史記大戴禮及孔子家語。改聰明作登天。冠以昔在二字。蓋摹仿堯典序。而承以適問於天師曰一句。組織之痕。自不可掩矣。顧全氏之舊猶是。不過黃帝問曰四字而已。林億等專奉王氏如此七句。既信爲古經之真。故置而不校也。小島春沂曰。千金方作黃帝問於岐伯曰七字。遐年要抄引太素經亦同。此足以爲確徵矣。太素問字下每有於岐伯三字年半百。古鈔本下有至字。千金方遐年要抄引太素並同。古鈔本係于四五百年前人所

字鑑江全善對校

不妄作勞。書盤庚情農自安。不昏作勞。傳不強作勞於田畝。疏不強於作勞。海保元備曰。文選西京賦。何必昏於作勞。薛綜注。言何必當勉力作勤勞之事乎。蓋先儒古義。皆以作爲力作。據此。此作勞亦力作勤勞。

之義。又韓詩外傳論人有六情曰。其身體四肢欲安而不作。三國志魏武帝紀。君勸分務本。穡人昏作。注引益庚等亦是同義。如全本太素。其義自異。不知持滿。淮南子汜論訓。周公可謂能持滿矣。高誘注。滿而不溢也。故曰能持滿。

以耗散其真。先兄曰。耗敖通曲禮亦敖。欲對言曰。敖不可長。欲不可從。正義云。敖者矜慢在心之名。又云。心所貪欲爲欲。則飲食男女。人之大欲存焉。是也。人皆有欲。不得從之也。

逆於生樂。王以養生之樂解之。恐非。呂覽知士篇。此劑貌辨之所以外。生樂趨患難故也。注。外棄其生命之樂。解人之患。往見宣王。不辟難之故也。蓋此亦謂生命長久之樂也。

夫上古聖人之教下也。皆謂之。先兄曰。潘之恆黃海云。謂之者。語之也。卽下八字是也。按語之者。似指下六句。蓋聖人之教下也。語之以避邪風而守精神。則可以不病。故民之順化者。志閑心安。勞而不倦。云云。是也是以以下六句。謂民之所仿行也。故美其食。以下六句。謂上古之俗厚朴也。是以嗜欲以下六句。謂不爲外物所撓。故和於術數也。所以以下三句。謂非時世之異。人自失之也。是皆承聖人教下六句之意而續也。

虛邪 先兄曰馬云以下馬云虛邪俱指風言王注非此說爲佳宜參入正

神明論及歲露篇九宮八風篇

不肖 禮雜記桀之子不肖注肖似也不似言不如人解精微論王注不肖謂擁造不法

天數然也 先兄曰呂覽仲秋紀凡舉事無逆天數注天數天道也馬云天數凡人所稟于天之數也

齒更髮長 先兄曰六節藏象論云腎者主蟄封藏之本精之處也其華在髮其充在骨五藏生成篇云腎之合骨也其榮髮也

天癸 楊曰天癸精氣也堅按此說非是韓詩外傳曰十六精通而後能施化陰陽相反大戴禮說苑此四字作陽竊反陰以陽變陽以陰變故男八月生齒八歲齠齒十六而精化小通女七月生齒七歲齠齒十四而精化小通

通原籍引文有脫仍更揭出史記正義曰男八月生齒八歲毀齒二八十六陽道通入

八六十四陽道絕女七月生齒七歲毀齒二七十四陰道通七七十四陰道絕孔子世家注

太衝脈 太素作伏衝脈堅按此與新校正引合以下其相合者不敢具載

眞牙生而長極 楊曰長極身長也先兄曰馬云眞牙由是而生且長極矣注云人身之長至此而具馬說爲長

五七陽明脈衰。馬曰：女子大體有餘于陰，不足于陽，故其衰也。自足陽明始。張同志曰：夫氣爲陽，血脈爲陰，故女子先衰於脈，而男子先衰於氣也。堅按下文女子必言脈，男子必言氣，志說似優。

面始焦。先兄曰：說文離，面焦枯小也。

丈夫。先兄曰：說文，周制八寸爲尺，十尺爲丈，人長八尺，故曰丈夫。

五八腎氣衰。馬曰：男子大體有餘于陽，不足于陰，故其衰也。自足少陰始。張同志曰：腎爲生氣之原，男子衰於氣，故根氣先衰，而髮墮齒槁也。堅按志說宜從。

七八。推上下文，天癸竭云云四句，似宜移于八八下，恐是錯出。然前注無敢言及者，不能無疑。

不過盡八八。唐書李叔明傳曰：傳云女子十四有爲人母之道，四十九絕生育之道。男子十六有爲人父之道，六十四絕陽化之理。

提挈天地，把握陰陽。先兄曰：張云能幹旋造化，變理陰陽，是卽提挈把握之謂。

此其道生。琦曰：四字衍。

適嗜欲。先兄曰：呂覽重己篇云：凡生之長也，順之也；使生不順者，欲也。故聖人必先適欲，往適猶節也。

逆從陰陽 先兄曰。按逆從是唯從義耳。猶言急劇爲緩急。死斯爲死生之期。謂順從于陰陽之理也。見法則象似辨列分別等字。而可觀諸註。欠妥。且內經中用逆從二字者。或唯稱從。或單稱逆。不可一例而讀之。

四氣調神大論篇第二

此篇太素全存

發陳 爾雅釋天。春爲發生。夏爲長嬴。秋爲收成。冬爲安寧。注。此亦四時之別號。蓋文異而旨近。又荀子天論篇曰。繁啓蕃長於春夏。畜積收藏於秋冬。

早起 唐書裴度傳曰。夫頤養之道。當順適時候。則六氣平和。萬壽可保。道家法春夏蚤起。取雞鳴時。秋冬晏起。取日出時。蓋在陽勝之以陰。在陰勝之以陽。

以使志生 志曰。（張志聰）志者。五藏之志也。志意者。所以御精神。收魂魄。適寒溫。和喜怒者也。是以四時皆當順其志焉。

夏三月 太平御覽舉此一段。併有注語。或疑是全氏所解。仍具載于左。曰。夏三月。天地陰陽之氣交合。萬物華實。故言夏生長於萬物成實者也。夜臥早起。是貪於夏氣。不厭於日者也。是晚臥早起。明於陽氣之盛者也。人志氣毋怒。陽氣成結。秀實以成。其氣得泄陽者也。萬物成結。於夏受之。因此夏陽氣之所應也。能從其氣。則是養生之道也。逆之則傷。

損於心。心者夏王也。故言傷心。心傷則秋必病瘡。故言夏傷於暑。秋病瘡。瘡者不從其氣。則大爲逆也。是故傷逆深皆損於陽氣。故冬至陰盛必重病。

容平 楊曰。夏氣盛長。至秋也不盛不長。以結其實。故曰容平也。堅按此說與王意同。攷嚴杰經義叢鈔有金鶚釋庸一篇有云。庸又通鑄。書益稷笙鏞以間。鄭氏鏞作庸。注云。西方之樂謂之庸。庸功也。西方物孰有成功。庸又通頌。大射義西階之西。頌磬東面。注云。言成功曰頌。西爲陰中萬物之所成。是以西方頌磬謂之頌。古文頌爲庸。頌古容字。與庸同聲。故通用。繇是推之。則容平之容。恐亦與庸相通。而容平卽萬物成熟平定之謂也。

飧泄 太素作飧洩。楊曰。飧音孫。謂食不消。下洩如水。和飯也。

無擾乎陽 先兄曰。按王以爲君子周密之義。然照上文高注。(高士栻)

所謂地氣固藏。不騰于天者是也。

使氣亟奪 太素亟奪作不極。楊曰。閉(古閉字)諸腠理。使氣不洩極也。堅按此不必是。

清淨 太素作清靜。

藏德不止 太素止作上。堅按此與新校正引別本同。

天明 太素作上下。

名木

古人謂大爲名。

王念孫有說見經義述聞禮記其名者成條

名木蓋大木之謂。王注恐謬。

雲霧不精則上應白露不下。

太素霧作露。白作甘。下白露同。

心氣內洞

宋本外臺與本文同。

肺氣焦痛

太素作焦漏。楊曰。焦熱也。漏洩也。堅按此與新校正引不同。

獨沈

太素作濁沈。

春夏養陽秋冬養陰

高往本于滑氏（滑伯仁）

苛疾

太素作奇疾。

愚者佩之

方氏家藏集要方。保壽天蘇陀酒。主治曰。夫養生者。人之急務也。春夏則養陽。秋冬則養陰。聖人行之。愚者背之。堅按此以佩爲背。

既在古今註之前。

內格

先兄曰。滑云。格者扞格也。謂身內所爲。與陰陽相扞格也。高云。陰

不交陽。陽不交陰。上下表裏不通。是謂內格。

鑄兵

太素亦作鑄兵。

生氣通天論篇第三

太素全存

九州九竅

先兄曰。孔頴達禹貢正義曰。周公職錄云。黃帝命風后受圖。

劃地布九州。堅按楚辭九辯敘。故天有九星。以正機衡。地有九州。以成

萬邦人有九竅以通精明。

十二節 楊曰：十二節者，謂人四支各有三大節也。

其生五其氣三 太素五作在。楊曰：謂天地間九州等物，其生皆在陰陽

及和二氣，堅按作在，非是。

三氣與弘法外典
鈔引文異當改

先兄曰：莊公三年穀梁傳，獨陽

不生，獨陰不生，獨天不生，三合然後生。注：徐邈曰：古人稱萬物負陰而

抱陽，沖氣以爲和。然則傳所謂天，蓋名其沖和之功，而神理所繇也。據

此，則三氣之說非。諸家所說者，蓋可證也。華氏（華佗）中藏經以內外

左右上下之氣爲解。殊覺支離。堅按春秋繁露曰：寒暑與和三而成物，

日月與星三而成光，天地與人三而成德。由此觀之，三而一成，天之大

經也。

皆通于天氣 淮南子天文訓：蛟行喙息，莫貴於人。孔竅肢體，皆通於天。

蒼天之氣清淨 太素淨作靜。楊曰：蒼天色也。氣謂四氣和氣者也。天之

和氣清而不濁，靜而不亂，能令人志意皆清靜也。

傳精神服天氣 太素作搏精神，或服天氣。楊曰：搏，附也。或有也。聖人令

精神相附，不失有服清靜之氣。堅按太素經注並難從。又尤怡醫學讀

書記曰：按傳當作專。言精神專一，則清淨弗擾。猶蒼天之氣也。老子所

謂專氣致柔，太史公所謂精神專一，動合無形，瞻足萬物，班氏所謂專

精神以論天年者是也。若作傳與義難通。王注精神可傳。惟聖人得道者乃能爾。予未知精神如何而傳也。先兄曰。服服膺之服。服天氣清淨之理也。志曰。服餐服也。非是。

欲如運樞。太素運作連。堅按與全元起本合。

體若燔炭。汗出而散。朱震亨曰。夫寒邪初客於肌表。邪鬱而爲熱。有似燔炭。得汗則解。此仲景麻黃湯之類是也。

因於溼。太素此七句作因於濕。首如裹。攘大筋濡短。小筋弛張。弛張者爲拘。二十字。堅按太素蓋屬譌脫。

綆短爲拘。集韻拘俱遇切。拘拏不展。解索也。

腫。說文曰。腫。癰也。周官瘍醫注曰。腫瘍癰而上生創者。先兄曰。古單稱腫者。皆謂癰腫也。若謂附腫水腫浮腫者。水病也。

煩勞則張。先兄曰。後漢班超傳。遂雄張南道。注。雄張猶熾盛也。蓋此張字義相近。

煎厥。太素作前厥。楊曰。前厥卽前仆也。堅按太素經注並誤。樓英曰。煎厥。仲景所云春夏劇秋冬瘥之病。俗人名曰注夏者也。亦非。○宣明論於素問諸證擬有一方。然多難供用。仍不具錄。

汨汨手不可止。太素作滑滑不止。

薄厥 太素作前厥。先兄曰。孫奕示兒編曰。薄者三聲。音泊者。厚薄之薄。音朴者。疾驅聲。音博者。迫也。但韻書中並不收云云。

汗出偏沮 太素作而出汗偏阻。楊曰。阻。壞也。慈呂反。堅按太素經注並誤。

痙痹 太素痹作疽非。楊曰。痙癰之類。然小也。俗謂之癰子。
高梁 太素作膏梁。

足生大丁 先兄曰。唐椿原病集云。此足字。今人常如此用者。如中庸邦有道。其言足以與邦無道。其默足以容。足字義一也。

勞汗當風 衛生寶鑑入白散。治勞汗當風。寒薄爲微鬱。乃痙及野點之類。白丁香白芩白殭蠶白牽牛杜蒺藜新升麻。內白者佳 各三兩三奈子白斂白

芷。各二兩白附子白茯苓。各半右爲末。至夜津唾塗面。明旦以瑩肌如玉散洗之。王注癰於玄府中。先兄曰。癰當與癰通。荀子論羣篇。癰而不含。錢註刻也。又宋本癰作癰。可疑。

大僕 醫壘元戎載經文有大僕。方用羌活防風細辛附子當歸甘草川芎續斷白芍藥白朮桂麻黃黃耆熟地黃。曰此藥當與魯山骨碎補丸相表裏。

瘰 楊注骨空論鼠瘰曰。瘰。昔漏也。三因方曰。經云。陷脈爲瘰。留連肉腠。脈得寒即下陷。凝滯肌肉。故曰留連肉腠。肉冷亦能爲膿血。故爲冷瘰。

須用溫藥。附有陷脈散桂附丸二方。按陷脈散即千金瘰癧門陷腫散桂附丸。即養生必用方溫經丸見外科精義引。

俞氣化薄。至驚駭。太素俞作輸。下皆然。及作乃。琦曰。按文義不次。蓋他經脫文。

岐伯曰。琦曰。衍文。

起亟也。太素作極起者也。楊曰。五藏藏精。陰極而陽起也。六府衛外。陽

極而陰固也。故陰陽相得。不可偏勝也之。按之字是語助。楊注中多見之。

脈疏薄疾。先兄曰。馬云。薄爲依薄。疾爲急數。

腸僻。楊曰。僻音僻。洩膿血也。堅按集韻。僻匹辟切。腸間水。

凡陰陽之要。先兄曰。以下王注釋爲房中補益之義。恐誤。

故陽強。先兄曰。張云。強亢也。孤陽獨用。不能固密。

因於露風。乃生寒熱。寒熱卽虛勞寒熱之謂。說見原臟脈。要精微論中。裸露冒風。恐不

遠爲此病。蓋露疲憊之義。風猶風乎舞雩之風。言勞役疲憊之人。有喜

乘風涼。則邪氣侵客。留連不解。遂成風勞也。昭公元年左傳。於是乎節

宣其氣。勿使有壅閉湫底以露其體。杜注曰。湫集也。底滯也。露羸也。豈

之則血氣壅滯。而體羸露。王念孫謂露爲疲憊之義。露羸一聲之轉。舉

數徵以確之。見經義述聞。皇侃論語疏。風風涼也。

春必溫病。太素作春乃病熱。